

Samcung Cienzhohih Angj Lumj Gim

□ Cinz Siengzcouh/覃祥周

Caet nyied mbwn hwnqg daengngoenz sang,
Guekcoj gvangqlangh gingjsaek maeq;
Biengz raeuz youh miz saeh vuenheij,
Gaijgwz youh ndaej hwnj mbaek moq.

Ngoenzneix roeg heuh va hai rang,
Fwencuengh angqyangz ok Guengjsae;
Senhconz Dangj raeuz hai davei(daihhoih),
Bouxboux sim maez(angq) bae danqhaenh.

Caet nyied cibhaj daengz cibbet,
Biengzdeih gak dieg va hoengzoiq;
Cunghgung Cunghyangh hai daihhoih,
Saeh’ angq baenz boix hawj lajbiengz.

Gwnz mbwn gvengqgvengq mbin fwjlungz,
Angqhemq Samcung Cienzhohih hai;
Doicaenh giengz guek caen ndei lai,
Cungqvunz sim hai lumj vavengj.

Samcung Cienzhohih lumj rumzcin,
Ci daengz byarin yungz naehang;
Gak cuz lwgminz sim yiengq Dangj,
Bouxboux lae hanh riengz de buet.

Veiyi cingsaenz cienz roengzdaeuj,
Vunzlai sim raeuj guh fwen ciengq;
Cawjdaeiz senzliz(旋律) ciengq ndaej yiengj,
Fwen rim gwnzbiengz cingz mbouj duenh.

Gaijgwz hailangh mbawgeiz hoengz,
Hawj raeuz hwnjroengz engq miz sim;
Lohsienq Dangj raeuz daeuj ceijyinx,
Daengx guek lwgminz caez najrongh.

Mbwn hung mbouj beij aen Dangj hung,
Hawj raeuz vuenyungz miz fuk laux(hung);
Aen seizdaih moq youh boq hauh,
Bouxiq bouxlaux caez hwnjdin.

Ruz hung gaenq hai daengz gyang dah,
Yaek byaij baenaj baengh canghdox;
Vunzlai doxgiet hwnjfofo,
Haenq guh gyangzgoz(giengzguek) yungh goengfou.

Samcung Cienzhohih neiyungz lai,
Ngoenzneix daeuj baiz doengzcaez hag;
Giengz guek gensez ok rengz ak,
Bienh(danghnaeuz) cij gangj bak cix nguh saeh.

“Song aen veizhoh” aeu giendingh,
Geiqcing(ndeiz) “ song aen dinghlaeb” dem;
“Seiq aen cienzmienh” sim yaek nem(geiq),
Saehcingz yied hengz vunz yied maij.

Cienzhohih cingsaenz rongh lumj ndit,
Bouxminz daih’ it yienghyiengh hingz;
Haeujlaeg gaijgwz ok 《Gietdingh》,
Youh caiq buekmingh caux ngoenzndeiz.

Cienzmienh haeujlaeg guh gaijgwz,
Mbawgeiz dwzswz(daegsaek) mbouj bienq saek;
Guh yendaiva engq hwnj mbaek,
Enj ai enj aek baefoedfoed.

Cienzhohih ciuhai yiyei gvangq,
Vilig yingjyangi daengx dienyah;
Saedyienh Cungguek yendaiva,
Sawj raeuz Cunghvaz engq fouqgiengz.

Haeujlaeg faensik vwndiz moq,
Gohyoiz daeuj doq aen bugiz;
Hopheux cungjdij busuj ndi(ndeiz),
Loh moq cij miz heiqliengq lengj.

Ndaem faex sien aeu miz rag ndeiz;
Hagsib cenzeiz(cienzhohih) ca cingsaenz;

Cingsaenz sizciz geiq ndaej maenh,
Moegbiu sang daemq couh rox caez.

Guekcoj va hoengz mbinfwfw,
Haeujlaeg gaijgwz bae byaij loh;
Doenggvaq 《Gietdingh》 ganghlingj moq,
Caux hawj guekcoj engq vuenyungz.

Haengjidingh gaxgonq miz cingzcik,
Byaij roen mbouj mbit onj hwnj ciengz;
Doidoengh fazcanj gauhcizlieng,
Gunghcoz yienghyiengh souhaeuj daih.

Samcung Cienzhohih youh caiq naeuz,
Haeujlaeg gaijgwz mbouj bienq loh;
Cienzmienh fazcanj leixniemh moq,
Byaij onj diuzloh haenq dangqmaz.

Gaijfang swhsiengj aeu genhciz,
Sizsw giuzsi guh cij deng;
Gouz caen guh saed ceiq gvanhgen,
Fazcenj(canj) sevei swnghcanjliz.

Hungzyangz conzdungj gij youhsi,
Cidu diji daeuj an gya;
Ceihleix naengzlig yendaiva,
Geizhoengz byadah mbinyagyag.

“Haj vih it daej” yaek doicaenh,
“Seiq aen cienzmienh” mbouj ndaej dingz;
Ginghci gaijgwz guh dazyinx,
Bouxminz fukheiq miz lai raeuh.

Muz fag giemq ndeu yungh cib bi,
Ginghci diji caezcienz gauj(guh);
Gaenbonj cidu roengzdaeuj bauj(baujjang),
Giengzguek muzbyauh(moegbiu) yawj ndaej raen.

Sangcwngz gencuz yaek haenq guh,
Ginghci gihcuj aeu guh hingz;
Gak hangh fazcanj dox sizying(hab’ wngq),
Dingh ok cidu guh baujjang.

Hidungj cizcwngz engq hwnj mbaek,
Doed’ ok diemjnaek miz mbouj doengz;
Gaijgwz saedyauq mbouj hawj roengz,
Gak hangh yungzdoeng hwnjfoedfoed.

Haeujlaeg gaijgwz cungj moegbiu,
Neix dwg daeuzdiuz aeu genhciz;
Laebdaeb caezcienz fazcanj ndi(ndeiz),
Daegsaek cidu mbouj doenghyiuz.

Ginghci diji cienz guh hingz,
Moegbiu ngeih lingz sam haj nienz;
Daegsaek cidu engq caezcienz,
Soujsien ceihleix naengzlig ak.

“Caet aen cisiuh” (聚焦) neiyungz ndi(ndeiz),
Ginghci diji suiyingz sang;
Bouxminz minzcuiz aeu fazcanj,
Vwnzva gyangzgoz(giengzguek) aeu hamjmauh.

Caj daengz laeb guek betcib bi,
Guekcoj gizgiz bienqvaq laux(hung);
“Caet aen cisiuh” gig cungyau,
Aen cungj muzbyauh baengh de baenz.

Gensez gyaeundeiz Cunghgoz moq,
Bingzan Cunghgoz yaek ca maenh;
Dangj raeuz lingjdau guh ndaej haenq,
Saedcwng naengzlig engq daezsang.

Mienhdoi q bak bi daih bienqbuek(大变局),
Yaengx sang Cungguek daegsaek geiz;
Simnduj cunghcij cungj geiq ndeiz,
Mbouj ndaej doiqsaek yienghlawz nauq.

“Roek aen genhciz” dwg fapbauj,
Bouxiq bouxlaux geiq coq aek;
Gaijgwz hidungj daeuj hai mbaek,
Baihnamz baihbaek raemxciz bongh.

“Cibseiq daihhangh” busuj ndeiz,
Youq gwnz seiqgyaiq raeuz angqyangz;
Mbawgeiz gaijgwz yaengx hwnj sang,
Guekgya fu’ gyangz(fouqgiengz) vunz najrongh.

Samcung Cienzhohih youh hai roen,
Coux daeuj daengngoenz hoengzduu;
Vunzlai doengzcaez bae haenqguh,
Vid hwnj genbuh dawz rap naek.

Samcung Cienzhohih yinvu naek,
Aeu geiq coq aek mbouj gangj riu;
Mbouj guh Nanzgoz(南郭) luenh boq siu,
Mbouj guh Lauxniu(叶公) hoengq maij lungz.

Samcung Cienzhohih angj lumj gim,
Raeuz caez hai din riengz Dangj byaij;
“Caet aen cisiuh” baenz dahraix,
Cungguek gaiqgaiq ndeiz gvaq gonq.

Gaek nanz gung genq(克难攻坚) mbouj lau baeg,
Faet(fad) max buetbongh daih hwnj yamq;
Fwngz gaem bizbaz doengzcaez damz,
Fanh vunz doengz yamq bae baihnaj.

Cienzhohih cingsaenz yiyei naek,
Boux yungh sim laeg miz fukfaenh;
Song sam gawq vah gangj mbouj caenh,
Yaek roengz sim haenq yawj daengx bien.

Samcung Cienzhohih cingsaenz moq,
Dangj hai diuzloh doengzcaez byaij;
Sai mbwk laux coz bouxboux maij,
Gvaq yiengz gvaq haij gaej doxliiz.

Saedyienh Cungguek yendaiva,
Baihgwngz baihlaj doengz ca ndeiz;
Gak hangh saehnieb guh hwnjbae,
Gwnzbiengz va maeq hai mbouj byaiz.

Samcung Cienzhohih rongh lwenqda,
Yinx raeuz Cunghvaz caiq hwnj mbin;
Veh mbaw doz gyaeu caez yungh sim,
Loqsiengj dingh hingz youq ngoenzcog.

Dangj cungjsuhgi fat hauhlingh,
Cunghyangh gietdingh yaek guh hoengh;
Betgveiq daihdeih caez hengzdoengh,
Riengz dangj haenq bongh bae baihnaj.

Namzhaij fubfab hwnj raemxlangh,
Dieg Bwzbuwanh sing fwen mbin;
Samcung Cienzhohih daeuj ceijyinx,
Namzguk itdingh engq ronghsag.

Mbouj saet seizgeiq bae doeksaed(lozsiz),
Gaijgwz gaenjmaed haeuj seizndeiz;
Soujcingq cauhmoq guh hwnjbae,
Gyaundeiz Guengjsae ngoenzngoenz ak.

Bouxminz ndaej gvaq swnghhoz ndeiz,
Sim vuen sim heij angq dangqmaz;
Ngoenzngoenz cungj youq ndaw fwen gvaq,
Byaij doh dienyah cungj vuenyungz.

Dangj hawj raemxraiz va hai swenz,
Daengzcog bi’ ndwen engq vannyiemh(diemz);
Caj daengz moegbiu caez saedyienh,
Raeuz hai sing ciengq sam haj ngoenz.